

ՊԱՅՄԱՆԱԳԻՐ №

/

ք. Երևան

թ.

Հիմք ընդունելով ՀՀ ԿԳՄՍՆ Բարձրագույն կրթության և գիտության կոմիտեի (այսուհետ՝ «Կոմիտե»), «Ա. Ի. Ալիխանյանի անվան ազգային գիտական լաբորատորիա (Երևանի ֆիզիկայի ինստիտուտ)» հիմնադրամի (այսուհետ՝ «Հիմնադրամ»)

և

միջև

թ.-ին կնքված՝

ծածկագրով դրամաշնորհային ծրագրի (այսուհետ՝ «Թեմա») աշխատանքների իրականացման № պայմանագիրը (այսուհետ՝ «Թեմայի Պայմանագիր»),

, որը սույն պայմանագրի հետագա

շարադրանքում անվանվում է «Թեմայի Համադեկավար», մի կողմից և «Ա. Ի. Ալիխանյանի անվան ազգային գիտական լաբորատորիա (Երևանի ֆիզիկայի ինստիտուտ)» հիմնադրամը՝ ի դեմս տնօրեն Գևորգ Քառյանի, որը գործում է Հիմնադրամի կանոնադրության հիման վրա, մյուս կողմից, հետագա շարադրանքում միասին անվանվելով «Կողմեր», իսկ յուրաքանչյուրը առանձին՝ «Կողմ», կնքեցին սույն պայմանագիրը հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Սույն պայմանագրի պայմաններին համապատասխան, Հիմնադրամը պարտավորվում է Թեմայի Համադեկավարին յուրաքանչյուր ամիս վճարել Թեմայի Պայմանագրով սահմանված գումարը, իսկ Թեմայի Համադեկավարը պարտավորվում է ամբողջությամբ իրականացնել Թեմայի Պայմանագրով ստանձնած բոլոր պարտավորությունները, ինչպես նաև պատշաճ կերպով կատարել պետության կողմից դրամաշնորհի ձևով տրամադրվող ֆինանսական աջակցության գումարների օգտագործման մասին Թեմայի Պայմանագրով սահմանված աշխատանքները (այսուհետ՝ «Թեմայի Աշխատանքներ»):

2. ԱՇԽԱՏԱՆՔՆԵՐԻ ԿԱՏԱՐՈՒՄ

2.1. Թեմայի Պայմանագրով սահմանված Թեմայի Աշխատանքները կատարել

անձամբ, ինչպես նաև Թեմայի կատարման համար ներգրավել երրորդ անձանց՝ Թեմայի կատարողների:

3. ԵՐԱՇԽԻՔՆԵՐ

3.1. Թեմայի Համադեկավարը երաշխավորում է աշխատանքների կատարման համար իր պատշաճ մասնագիտական որակավորումը և քաղաքացիաիրավական իրավունակությունը:

4. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

4.1. Թեմայի Համադեկավարը պարտավոր է՝

- 1) Թեմայի Պայմանագրի նախահաշվով նախատեսված ֆինանսական միջոցներն օգտագործել Թեմայի Պայմանագրով սահմանված նպատակներով և չափաքանակներով,
- 2) Թեմայի Աշխատանքները կատարել Թեմայի Պայմանագրի առաջադրանքին համապատասխան,
- 3) Հիմնադրամին ներկայացնել Թեմայի Պայմանագրով նախատեսված աշխատանքների իրականացման յուրաքանչյուր տասներկուամսյա փուլի մասին ընթացիկ հաշվետվություն, իսկ Թեմայի Պայմանագրով նախատեսված աշխատանքների ավարտից հետո՝ ամփոփիչ հաշվետվություն: Ընթացիկ հաշվետվությունը ներկայացվում է յուրաքանչյուր փուլի իրականացման ժամկետի սկզբից հաշված տասներկուերորդ ամսվա առաջին 20 (քսան) օրերի ընթացքում, իսկ ամփոփիչ հաշվետվությունը՝ Թեմայի Պայմանագրով նախատեսված աշխատանքների իրականացման ավարտից առաջ՝ 10 (տաս) օրվա ընթացքում,
- 4) Հիմնադրամին տեղեկացնել իր և (կամ) Թեմայի Պայմանագրի կատարողների, Հայաստանի Հանրապետությունից երկու ամսից ավելի բացակայելու մտադրության մասին՝ բացակայությունից առնվազն 1 (մեկ) շաբաթ առաջ,
- 5) Թեմայի Պայմանագրով նախատեսված արդյունքների ստացման անհնարինության կամ աշխատանքի շարունակման աննպատակահարմարության հայտնաբերման դեպքում անհապաղ տեղեկացնել Հիմնադրամին,
- 6) Թեմայի Պայմանագրով նախատեսված աշխատանքների դիմաց Կոմիտեի կողմից գումարները չվճարելու դեպքում միակողմանի լուծել սույն Պայմանագիրը,
- 7) Թեմայի Պայմանագրով նախատեսված հետազոտության արդյունքներին վերաբերող գիտական հրապարակումներում և զեկույցներում, այդ թվում՝ գիտաժողովի նյութերում (proceedings), հիշատակել Հիմնադրամի անվանումը:

4.2. Հիմնադրամը իրավունք ունի՝

- 1) Չհաստատել Թեմայի Պայմանագրով նախատեսված աշխատանքների իրականացման յուրաքանչյուր 12 (տասներկու) ամսյա փուլի մասին ընթացիկ հաշվետվությունը, ինչպես նաև ամփոփիչ հաշվետվությունը, եթե Թեմայի Համադեկավարը թույլ է տվել Թեմայի Պայմանագրի պայմանների խախտում,
- 2) Թեմայի պայմանագրի ընթացքում տնօրինել Թեմայի Պայմանագրի նախահաշվի «Այլ ծախսեր» հոդվածի «Վերադիր ծախսեր» ենթահոդվածով նախատեսված

միջոցները՝ իր մատուցած ծառայությունների ծախսերը հոգալու նպատակով,

3) Հիմնադրամի գիտական խորհրդի և Թեմայի Պայմանագրի կատարողների համաձայնությամբ Կոմիտե ներկայացնել միջնորդություն՝ Թեմայի Համադեկավարի կողմից իր պարտականությունների կատարման անհնարինության հիմքով Թեմայի Համադեկավարի փոփոխություն կատարելու մասին:

4.3. Հիմնադրամը պարտավոր է՝

1) Թեմայի Համադեկավարին տեղյակ պահել Թեմայի Աշխատանքների իրականացման վերաբերյալ Կոմիտեից ստացված ֆինանսական, կազմակերպչական և Թեմայի Պայմանագրից բխող այլ հարցերով ընդունված որոշումների, հրամանների, հրահանգների մասին,

2) Թեմայի աշխատանքների ավարտի օրվա դրությամբ չօգտագործված ֆինանսական միջոցները մեկշաբաթյա ժամկետում վերադարձնել Կոմիտեի համապատասխան հաշվին:

5. ՎԱՐՁԱՏՐՈՒԹՅՈՒՆԸ ԵՎ ՀԱՇՎԱՐԿՆԵՐԸ

5.1. Հիմնադրամը պարտավորվում է Թեմայի Պայմանագրի միջոցներից և Թեմայի Պայմանագրով նախատեսված աշխատանքները կատարելու համար, Թեմայի Համադեկավարին յուրաքանչյուր ամիս վճարել վարձատրություն՝

, (հազար) ՀՀ դրամի չափով
(այսուհետ՝ «**Վարձատրություն**»):

5.2. Կողմերը համաձայնվում են, որ սույն պայմանագրի 5.1. կետում նշված Վարձատրությունը Հիմնադրամը Թեմայի Համադեկավարին վճարում է մինչև հաջորդ ամսվա 15-ը, անկանխիկ եղանակով՝ դրամական փոխանցում կատարելով սույն պայմանագրի ստորագրության տողից առաջ նշված Թեմայի Համադեկավարի բանկային հաշվին:

5.3. Սույն պայմանագրի 5.1. կետում նշված գումարն իր մեջ ներառում այդ կապակցությամբ վճարման ենթակա բոլոր հարկերի և պարտադիր այլ վճարների գումարները և համապատասխան հարկային ու այլ պարտավորությունները, որոնք կատարվում են Հիմնադրամի կողմից Հայաստանի Հանրապետության գործող օրենսդրության համաձայն:

5.4. Սույնով Կողմերը համաձայնվում են, որպեսզի Հիմնադրամը ՀՀ օրենսդրությամբ սահմանված կարգով կատարի անհրաժեշտ բոլոր ֆինանսական գործողությունները և վճարումները Թեմայի Պայմանագրի նախահաշվի՝ «Այլ ծախսեր» հոդվածի «Սարքեր, նյութեր և ծառայություններ» ու «Գործուղումներ» ենթահոդվածներով Թեմայի Պայմանագրին հատկացված միջոցների հաշվին (սահմաններում)՝ Թեմայի Համադեկավարի կողմից Հիմնադրամին ներկայացված գրավոր պահանջագրի հիման վրա:

5.5. Կողմերը համաձայնվում են, որ Հիմնադրամը իրականացնելու է Թեմայի Պայմանագրով սահմանված ֆինանսական միջոցների տնօրինումը, ինչպես նաև սույն պայմանագրի 5.4. կետում նշված ֆինանսական գործառույթները և վճարումները, քանի դեռ Կոմիտեի և (կամ) Թեմայի Համադեկավարի կողմից Հիմնադրամին չի ներկայացվել գրավոր հանձնարարական և (կամ) պահանջագիր

Թեմայի Պայմանագրով սահմանված ֆինանսական միջոցների տնօրինումը դադարեցնելու մասին:

5.6. Սույն պայմանագրի 5.1. կետում նշված գումարը Հիմնադրամը վճարում է Թեմայի Համադեկավարին՝ միայն Թեմայի Պայմանագրով նախատեսված ֆինանսավորման գումարը Հիմնադրամի բանկային հաշվին փոխանցվելուց հետո 5 (հինգ) աշխատանքային օրվա ընթացքում:

5.7. Կողմերը համաձայնվում են, որ եթե Թեմայի Պայմանագրի ֆինանսական նախահաշվով սահմանված գումարը չի փոխանցվում Հիմնադրամի բանկային հաշվին, ապա Հիմնադրամը Թեմայի Համադեկավարին չի փոխանցում սույն պայմանագրի 5.1. կետում նշված վարձատրության գումարը:

5.8. Սույն պայմանագրով չկարգավորված և Թեմայի իրականացման համար անհրաժեշտ ֆինանսական այլ ծախսերը, կողմերի համաձայնությամբ կատարվում են Թեմայի Պայմանագրի ֆինանսական միջոցների հաշվին՝ Թեմայի Համադեկավարի կողմից Հիմնադրամին ուղղված գրավոր պահանջագրերի հիման վրա:

6. ԳՈՐԾՈՂՈՒԹՅՈՒՆԸ

6.1. Սույն պայմանագիրն ուժի մեջ է մտնում և դրա պայմանները Կողմերի համար պարտադիր են դառնում թ.-ից ու գործում են մինչև Թեմայի Պայմանագրի ժամկետի ավարտը:

6.2. Սույն պայմանագիրն ուժի մեջ մտնելու պահից ուժը կորցրած են համարվում դրա առարկայի վերաբերյալ Կողմերի միջև նախկինում եղած բանավոր կամ գրավոր համաձայնություններն ու պայմանավորվածությունները:

6.3. Սույն պայմանագիրը կարող է վաղաժամկետ լուծվել և (կամ) սույն պայմանագրի գործողությունը կարող է կասեցվել պայմանավորված Թեմայի Պայմանագրի կասեցումով:

6.4. Սույն պայմանագրի առանձին դրույթի կամ մասի անվավերությունը չի հանգեցնում դրա մյուս դրույթների կամ մասերի անվավերությանը:

7. ՓՈՓՈԽՈՒԹՅՈՒՆՆԵՐ

7.1. Սույն պայմանագրի ցանկացած փոփոխություն կամ լրացում վավերական է, եթե կնքված է գրավոր ձևով:

8. ԴԱԴԱՐԵՑՈՒՄ

8.1. Սույն պայմանագիրը կարող է վաղաժամկետ լուծվել Կողմերի գրավոր համաձայնությամբ:

8.2. Թեմայի պայմանագրով նախատեսված աշխատանքների դիմաց Կոմիտեի կողմից Թեմայի Պայմանագրով սահմանված գումարները չվճարվելու դեպքում Հիմնադրամն իրավունք ունի միակողմանի կարգով լուծել սույն պայմանագիրը:

9. ԿՈՂՄԵՐԻ ՊԱՏԱՍԽԱՆԱԾՎՈՒԹՅՈՒՆԸ

9.1. Սույն պայմանագրից բխող պարտավորությունները չկատարելու կամ ոչ պատշաճ կատարելու դեպքում կողմերը կրում են գույքային և այլ պատասխանատվություն՝ Հայաստանի Հանրապետության գործող օրենսդրությամբ և այլ նորմատիվ իրավական ակտերով սահմանված կարգով:

9.2. Կողմերն ազատվում են սույն պայմանագրով ստանձնած պարտավորությունների ամբողջական կամ մասնակի չկատարման համար պատասխանատվությունից, եթե դրանց չկատարումը հանդիսանում է անհաղթահարելի ուժի հանգամանքների հետևանք:

10. ԿԻՐԱՌՎՈՂ ԻՐԱՎՈՒՄԸ ԵՎ ՎԵՃԵՐԻ ԼՈՒԾՄԱՆ ԿԱՐԳԸ

10.1. Սույն պայմանագրի նկատմամբ, ներառյալ՝ Կողմերի իրավունքների և պարտականությունների բովանդակության, մեկնաբանման, կատարման, չկատարելու կամ ոչ պատշաճ կատարելու հետևանքների, դադարման, առջինն լինելու և դրա հետևանքների, պայմանագրից ծագող պահանջի զիջման և պարտքի փոխանցման առնչությամբ կիրառվում են Հայաստանի Հանրապետության օրենքները և այլ իրավական ակտերը:

10.2. Սույն պայմանագրից կամ դրա կապակցությամբ ծագող բոլոր վեճերը, տարաձայնությունները և պահանջները, ներառյալ՝ դրա կատարմանը, խախտմանը, դադարեցմանը կամ անվավերությանը վերաբերող, ենթակա են կարգավորման՝ Կողմերի միջև բանակցությունների և խորհրդակցությունների ճանապարհով, իսկ համաձայնության չհասնելու դեպքում՝ Հայաստանի Հանրապետության օրենսդրությանը համապատասխան՝ Հայաստանի Հանրապետության իրավասու դատական ատյաններում:

11. ՄԵԿՆԱԲԱՆՈՒԹՅՈՒՆԸ

11.1. Սույն պայմանագրի դրույթները մեկնաբանելիս Կողմերը, ինչպես նաև դատարանը պետք է ելնեն դրանում պարունակվող բառերի և արտահայտությունների տառացի նշանակությունից: Տառացի նշանակության անհստակության դեպքում, պայմանագրի համապատասխան դրույթի մեկնաբանությունը որոշվում է՝ այն սույն պայմանագրի մյուս պայմանների և պայմանագրի ամբողջական իմաստի հետ համադրելու միջոցով:

12. ԵԶՐԱՓՈՎԱԿԻՉ ԴՐՈՒՅԹՆԵՐ

12.1. Սույն պայմանագիրը կազմված է հավասարազոր իրավաբանական ուժ ունեցող 2 (երկու) օրինակից: Յուրաքանչյուր Կողմին տրվում է մեկական օրինակ:



**ԿՈՂՄԵՐԻ ՀԱՍՑԵՆԵՐԸ, ՏՎՅԱԼՆԵՐԸ, ԲԱՆԿԱՅԻՆ ՎԱՎԵՐԱԴՊԱՅՄԱՆՆԵՐԸ
ԵՎ ՍՏՈՐԱԳՐՈՒԹՅՈՒՆՆԵՐԸ**

ՀԻՄՆԱԴՐԱՄ

«Ա. Ի. Ալիխանյանի անվան ազգային գիտական լաբորատորիա (Երևանի ֆիզիկայի ինստիտուտ)» հիմնադրամ

ՀՎՀՀ 01202364

ՀՀ, ք. Երևան, 0036, Ալիխանյան եղբայրների փողոց 2

Տնօրեն

Գ. Քառյան

(ստորագրություն)

ԹԵՄԱՅԻ ՀԱՄԱՂԵԿՎԱԿ

Անձնագիր

տրված

Կողմից

Թ.,

ՀԾՀ

,

Բանկ

,

h/h

,

Հասցե

(անունը, հայրանունը, ազգանունը)

(ստորագրություն)